

清美堂集



濟美堂集序

歲己卯閏部舉士大司
馬矣襄惠公見賢書而
喜指小子高名曰是子
當有尺寸吾先為之激
矣高成進士讀中秘書



公節制兩粵每貽書述
前意時先通議公守養
均為公屬吏公露章尉
薦之父子並受公殊知
未有以報公捐館舍高
乃為狀論述公之盛德
鴻烈以傳于世又後十
餘年乃從公嗣君輩檢
其遺文若待釐為若干
卷授之梓而為之叙
曰自三代而下名世大
至有德望盡業昭垂來

許并其文辭而傳焉者
何尠少也而文人學士
馳騫著作之場空所樹
立又窳之無可表見此
激糶降才各異亦以精
神智慮不能盡從此有
注則彼有遺其勢然耳
襄直之自為曹郎即以
名流重縉紳間出而為
學使者于楚于粵人士
稟其教毋敢越軼臨吟
思慕之聲至今未已其

後督粵東西所劄平林
箚巨慙累世為患者
不可勝紀粵人尸祝以
不在弗襄毅王文成下
赫乎盛矣世之頌以者
率以其姱修偉樹卓犖
為一代名臣而不知以
之嬾于勳章其所結撰
本徑授史縱橫雜博粹
乎一出于正有近代號
稱作者劇心刻意所不
能及而以固從容出之

高嘗反覆讀之之文而
深惟其指因有感于文
卒得失之故蓋自昔能
言之士衆矣要惟出于
不得已者為至未至乎
不得已而欲求其言者
詞雖工非其質也所以
謂之不得已者有為而
作由中而發詞不迫切
而意之獨至是故其說
常簡而通其氣常和而
平不然則必有夸弮震

盪不能自持者矣。譬之
水灘之激而涸之平亦
其勢也。且非獨言焉而
已。即其操之事業亦然
世固有保定傾功祿
宇宙若無事者亦有竭
歷以赴功僅能得之而
槿杌無以居之者。此其
故可知也。夫以之文雅
至鑪錘敲鍊之甚工而
其出于有為而作由衷
而發者則其大致固較

然矣至乃以所達樹小
者治辦大者勘定悉教
之未易更僕然大約以
省事之意集事以止兵
之多詰兵要于功成事
定國享其實而已不必
居其名者歟乃永祥稱
韓公之功獨多其垂紳
正笏不考聲色而蘇氏
論永祥之文則謂徐
委蛇放言極論語盡意
竭而無艱難勞苦之態

兩者皆可以狀之蓋之
之精神無所不注而無
所甚役不得已而後用
故用常不勞自若名世
大正與文人學士所不
可得並者而之苗之豈
偶也哉以恬穆充粹之
氣溢于面目見者即知
其有道坐卒絕口不言
人過亦絕不暴之之所
長處功名進退尤泯然
無迹當江陵奪情時以

自粵西

台佐司農遠陳情歸養世
以此高公而公不屑意
也高不佞嘗竊慨文
士也多以才蒙忌勞亞
也恒以功受詬殆所謂
秀于林而必拔出于岵
而必墮者而公獨名完
道究數十年間不以其
身少蒙世之沒也此非
誠心信志不言而喻大
有以誑服乎人心而非

如尋常矜長要譽者之
為河以有曳之之之所
以不可及也高既辱之
深邪求所以稱而浮沈
碌之五十名聞無倫于
之之深詣駿揭如穆殊
所稱太土與其次云者
不能窺其藩籬即退而
庶幾于立言之科亦未
免夸弼震盪以質于公
之不得已而有言者猶
徑達也九原可作與之

竇多故因敘之文而保
及之以志吾愧豈敢謂
茲言也足掄揚公乎
賜進士出身通議大夫南
京吏部右侍郎門下士
葉向高頓首謹書



吳襄惠公集序

吾師襄惠吳公遺稿若干
卷少宰葉先生為之輯定
而予刻以傳作而歎曰嗟夫
予今益知吾師之難也自予
為諸生受知於師至今四

十餘年見師所授楚士高等
者多不鵲起或一邑連八九
人相次取大官往而是猶
謂師神識獨異耳至其臨
見諸生風範詳整造次有
法終日色笑藹若春風諸
生或有過端不厲聲色從
容一語使人神悚而意奪若
不解自容其於負行誼者
雖布衣子弟禮下之如賓
友能使全楚十五郡十六州百
七縣之人委誠輸服至今

猶然。是時先兄恭簡以校
吳嘗純嘆以為賢師。以恭
簡能作人于文字外開豁成
就有斯道功歎然若自以
為不及者。其相為引重如此。
後師歎歷中土南制百粵
五額。訖于朔南。功伐偉然。且
夕且召用矣。竟以將母一念
陳情得請。天下難之。再起。留
樞未及一年。輒去其官。

朝命累起不應。而恭簡亦以
是年歸卧天臺山中。恭簡

與師故同榜當

國家文治極隆之會同出督學
興起多士一時吳楚相望為
天下冠其後並為大僚至出
處進退之節大率不異恭
簡有集為弟子粹行於時
師不言而使人意消非蘄以
文著者顧其生平論撰歌
吟皆窮寔極工本性情而
澤道流卓然足列于作者
之林而世不盡知即以余之
早侍門墻執經稟業亦不

能窺其著作之盛至此然
後知師之豐於居實而虛
於取名非世之薄蓄厚炫
沾沾自喜者所可望其萬
一宜其處功名終始之際
純白無瑕如威鳳祥麟
出為世瑞而終不可以樊籠
蓄也蓋自師既沒後世道
一更大臣進退不得自由常
有觸藩之苦而操文柄者
或與士子不相中至相為
詬厲以視吾師當日之綽

綽餘裕與所以感動人心愈
久不衰者何以相去若是
時耶運耶將之道之隆替
存乎其間耶吾師真可謂
雖之雖已余少受學恭簡
幸稍有聞長受知於師
而出而授士於師之鄉步趨
咫尺莫之能及時以為媿晚
佐留槍想像風采夢寐寐
從之而師已不可見矣獨
捧誦遺編披玩吟繹庶幾
淵源凝靜方潔雅正之操与

夫經國之餘謀超塵之逸
韻如或見焉故為略序梗
概以志吾思且以慰世之慕
師而不得見者

賜進士出身通議大夫南京
兵部右侍郎楚黃門人
取定方損首撰



濟美堂集目錄卷之一

五言古

贈李丹邱還增城

咏紅梅得草字

題畫贈友人楊少愚還連川

感懷二首

贈養拙山農蔡玄谷

七言古

鳳臺篇贈曾雙羅長卿考九載績北上

贈陸蓉江赴徐龍灣之約遊嵩少諸山

題七星巖時將赴北 召

贈寫照王應暘兄弟

五言律

桐江秋泛

北嶺懷省城諸友

談空亭

石門讌集

留宿山口

寄趙合沙表叔浦江司訓二首

歲暮

過陳東山翁見一亭

贈李丹邱

陪趙合沙訪石門僧得茶字

過徐公子東園遊塘長數十畝從飛雲閣登
船

贈台州侯醫入楚訪真

雨仝劉仁山陳象溪登芙蓉閣聯句

遊天界寺投半峰斌上人

夏日過林侍御涵澤亭

聞斌上人遊楚歸

過天界振宗堂先大夫嘗整南禮曹余從宦
幼登此堂嘗記以果擲猴爲戲時賦上人方
住持山門爲題扁卽先人手筆也愴然有作
題張洛源清懶窩

遊金山

題朱仰芙鴻臚詩冊余時督學楚行遇鴻臚
北歸聯舟湖口酌別于石鍾山寺因出示鎮
翁老師弟至志喜詩奉和三百

便道還里

飲陳月湖宅對雪卽席次楊九山林滄洲韻

次韻答參藩黃毅所三首

同孫台山侍御飲下泉寺二首

荆守趙汝泉年丈賜三品服体過而贈此

又分韻得二首趙汝泉李龍岡同賦

過灑西社工部祠

與史禮齋太守遊朝陽岩望九嶷山用鄒穎

泉年丈韻二首

寄督學林石洲

贈莊石坡賫捧北上

劉仁山在告養痾南嶽

華景洞用韻

贈李山人之陽朔

衝雨過少林觀達磨面壁處

謁中嶽

天仙宮白松

喜歸

送邑侯張襟江擢倅廣西太平

走筆答吳蓮陽別駕用來韻

送閩幕胡子代還

贈劉凝和邑侯入

觀兼聞冢郎之捷三首

子陵釣臺

荅張羽王來韻

卽事

同李棠軒宗伯王鳳洲司馬飲桃花塢分得

桃字

又登雨花臺同桃字

和陳振狂過東園之作

用韵贈振狂

喜雨

喜振狂至

送振狂粵遊

振狂客余東園偶畱季立小酌悵未能從詩

以憶之四首

輓林文舉

七言律

遊玉泉寺

石門寺

過杜棠廢址

羅源道中

送袁邑侯擢上元尹二首

送吳少尹還進賢

送陳鷺江親家之任臨高

又秋江別意贈別二首

早朝

贈唐別駕入賀還池郡

贈節推徐鳳竹前南侍御

宿清湖王宅出詩譜觀之附題

過嚴陵

同劉仁山李斗岡吳芝山黃質山徐斗山會

半峰精舍卽席賦得浮字

病中憶城南別業

贈別賀胡龍岡考最北上

贈李斗岡年丈攷最北上兼侍太夫人便歸
自蘭陽河渡候舟未至命射沙上

考滿北上阻雨時張月山李抑菴同行

出京適同年吳六橋侍御蘇鄴西錦衣奉

命巡視中路晤於雄縣遣使護行書此會之

劉仁山年丈使楚催督工料寄贈

送丁槐江擢守順慶暫還省視

登雨花臺用韻

登牛首和康礪峯韻

寄贈傅丁戊

吳芝山山人長閣吟用韻二首

送邱止山明府之柳城

題費小石輓冊

題黃毅所侍御具慶冊二首

送惠州黃別駕

東園燈宴次雙羅長卿韻二首

和蘇韻對雪二首奉荅武岡殿下

贈戚南塘

行部蛾眉阻雨夜宿德山寺

荅陳槎江夜話用來韻

再遊玉泉寺用韻

陳友丁子過訪投詩索和次韻荅之

贈楊見魯叅戎瓊雷

贈內齋余年丈齋捧便省

王叅戎維舟象鼻山訪而賦此

贈李雲臺山人

荅謝郭東皋次韻

登爽臺爲佳南邦君作

同年劉仁山兵憲自南詔寄訊次韻奉荅

凌斗城宅賞海棠次川樓韻

趙吉所都閩燕集魯陽王東園賞牡丹用韻

二首

謁武穆祠次吳川樓寅丈二律

子陵釣臺

同陸敬齋侍御觀龍隱洞

送岳伯高大湖年丈還蜀

送李山人

和蓮陽宗丈飲青郊別墅二首

贈黃孔昭山人

同呼總戎重過七星巖

邀汪侍御飲浮邱亭

遊端州星巖

送中表林懷賓還閩

期友還舊林

寄廣信貳守族侄子貴

壽范天然九十

爲趙澱陽少宰題靈洞山房

永思圖爲孫侍御題

遊燕磯

生日自述二首

感事

送陳甥邦敬之瀘溪掌教兼懷潛谷鄧丈

和荅葉臺山太史

又賞牡丹懷舊仍雲韻

送葉臺山太史還朝

暮春雨後邀劉廣文陳徵君酌于東書樓是

日余以病未陪

書樓自嘲

賞牡丹小集用韵是日再得趣任之 旨
立夏日憶諸君舫遊之樂

余表兄林懷賓學諭七十六歲復得一子詩
以賀之

江南菊信稍遲今重九喜庭菊數本盛開邀
賞賦之用花字二首

乙未初度荅謝劉粵愚謝翠屏諸君寄奉

宗祠新成墀忽產一瓜結十二實剖之色赤
而甘美異常人曰此瑞徵也余迺爲七言律
一首志喜因屬能詩者並詠焉時乙未中元

日

前從子郡丞白宦所遺我雙鶴蓄之有年不
復鍛翎亦不思颺去豈吾庭中物也

余蓄白鷗爲野人籠致久而益馴淨潔可愛
對之欣然成詠

又爾錫以舅青田年丈書來頗感夷警似導
余再出乃次原韻奉荅末兼屬青丈

辱省城諸公祖壽餽次施二華來韵奉荅

壽月沙陳翁七袞有六

荅季立賞菊兼及時事

季立過東園賞菊授以新詩謬爲稱許依韻
答謝

贈李郡侯賓卿六首

黃懋春繪太姥圖見遺覽而謝之詩

贈車春涵公祖

讀陳季立薊門兵事有贈

季立歸隱築室西郊

林純卿卜築孤山題贈

遊武夷

送董崇相北上春官

邀天長陳春池同錢慎吾父母酌于藏書小樓承遺詩用韻爲答二首

五言排律

詠雪二十四韻東孫侍御及縣學諸君子

寄及門新進士

七言排律

贈叅知前文宗徐佳岳

五言絕句

秋圃吟

有引

御袍黃

萬卷紅

紫袍金帶

大金黃

鶴翎紅

鵝毛白

羅山紫

沉香

金鈎絲

醉楊妃

紫毬

雪毬

蜜雀舌

白雀舌

狀元紅

四面觀音

一名四面錦

白玉英

黃玉英

火煉金

桃花紫

桃花白

玉露白

剪絨白

月下白

雀金黃

金鳳毛

醉西施

沉香毬

金盞銀臺

金菊鬪芙蓉

玉萬鈴

金萬鈴

湖口送朱鴻臚淳

與永州守史節之遊朝陽岩二首

過邯鄲

詠牡丹燈屏二首

六言

訊友

東園四首

七言絕句

送陳鷺江親家出尹臨高二首

真定道中

武岡德輝館賞牡丹三首

贈張都閩入賀四首

沐藩書懷四首

送世本中表還閩

命棹訪幼溪司馬接筍峰

爲若龍孝廉詠號一絕

七言絕句

和朱晦翁權歌十絕

蜀茶

木筆

繡毬

陳錫邦敬邀遊雲居石塔觀日出

濟美堂集卷之一

五言古

閩連江吳文華子彬甫著

贈李丹邱還增城

丹邱增之勝也李子結廬居焉邂逅談玄
知爲仙籙中人秋雲行色作詩賦意

南粵繁名山丹邱處其一輕靄拂虛洞寒泉飛峭
壁昔聞飛仙人曾此鍊瓊液李子冰雪姿飄然踵
前跡嬉遊日夕還遂覺氛埃隔笑吸花間露醉憇
松下石種成白玉芝忽長排雲翮因過武夷宮逍
遙隨所適含情引素手招我玄談劇願言就九還

名繫長生籍，蹇余區中綠。尚苦浮榮役，一笑怡形。
神再語，盪精魄。遺之雲母丹，令能駐光澤。烟鸞不
可留，長風吹四陌。遙指蓬瀛東，惆悵秋山碧。

咏紅梅得草字

僊園別有春，開向南枝早。淨與孤山期，芬從庾嶺
道。桃李不同疇，中丹常獨把。映色稱霞觴，飛英綴
絳藻。詎肯巖霜移，長伴醜顏好。鼎實待汝調，萬種
俱凡草。

題畫贈友人楊少愚還連川

越臺經高商，白雲起長甸。金飈揚輕舟，羽杯惜離
燕。石門開青蘂，胥江橫素練。摩挲稔穗石，存登臨海
珠。濺行行歲月，道怳怳桑梓。昔篇草光淋漓，衣荷
郁葱繚。九曲還三山，雲霞隨巾升。嘉客良足謀，真
詮端可誤。君去鴻已冥，余飛翼亦倦。緬懷巖桂叢，
因之益深戀。

感懷二首

巍軒陟太行，未若康遠屣。八珍羅高堂，未若尊鱸
旨。淺渚蹲絲綸，良疇秉耒耜。龐德鹿門期，方朔金
馬仕。心賞各有宜，庸伐等螻蟻。足止貴先知，殆辱
乃亡訾。懿彼聖詰言，顯愚良可跂。卓哉柴桑公，高

風永千祀

偶築東臯園引水江之涯樹陰澹清靄蓮漪搖素霞
僊叟隱叢榻鼓吹鳴羣蛙朝夕致足樂邱樊興云
賒失足塋埃塲轉盼室已遐古人帶礪盟容易生
嗔瑕如何解天沒滿散嘿無譁榮燁豈常保不見
東籬花

贈養拙山農蔡玄谷

名時宜蜀人

蔡玄谷夙負奇抱余病未晤今偶過山城
爲定一壽藏因得旁扣之兵畧玄機纏纏
悉貫已屆望八之年而精神不減少壯是

詎當以弗試終老巖穴也耶于其旋書此
遺之

呂公年八十茲泉持釣竿鯉腹得異文營邱已開
端一旦載後車非熊始應鑽兵權與奇計消息五
行殫千古有奇士瑰處懷中丹寄意簾肆間天人
隨所安疇昔風塵色化爲冰雪寒瑤草行獨拾五
石頻加餐鷹揚縱未酬兩腋良可翰吾但青囊扣
玄關透猶難

七言古

鳳臺篇贈曾雙羅長卿考九載績北上

鳳臺突兀城南隈平臨百二山河開丹苞一去已
千載獨餘蒼翠相盤迴與君欣際昌明會時向此
臺邀一醉長江萬里瀉前楹詩成叱咤風雲隊夫
君英妙鳳爲姿文章五色儲心脾足躡長虹居上
佐手持芳桂凌康達幾年共置復隣好平生意氣
窮青昊空廬百草子雲玄巖廊未惜馮唐老行看
九載三奏績理舟又向江頭別正逢佳節泛蒲新
豈堪遠道垂楊折君不見昨朝臺下同尊俎紅花
爛熳周籬圃今日重來能幾時紅花已謝白花吐
昨朝今日事難齊名花開晚落應遲請君莫嘆燕

山路會見雲巒着羽儀

贈陸蓉江赴徐龍灣之約遊嵩少諸山

白門杳李月花開燦如錦重逢話夙昔悵此花下
飲千樹萬樹黃鸝囀慙慙別我情非淺翩翩一葉
從東來飄飄逸氣凌空絕爲言杖劍驅中州故人
招手嵩少遊暮棲烟霞石樓底朝扳笙鶴緱嶺頭
震澤漭漾虎邱麗潯蹄魄礪非遐睇乃茲有感向
平心五嶽邈透畢生計余聞此言躍然起壯心飛
度長河水有足不歷名山巔塵網汨汨空復爾多
君此行直神仙因君先寄青苔篇

題七星巖時將赴北 召

南粵標七巖北斗懸七星斗杓酌元氣巖石鍾巨
靈鴻濛真宰從擘畫天上人間兩輝奕列宿叅錯
舒文章羣峰周遭森衛戟虛洞玲瓏杳不窮瑰璋
萬象羅其中駭心眩目未可狀自關天巧非人工
灘江拖練紆前岸蒼畦倒射霞光爛從此仙槎倘
可乘直拂招搖溯銀漢我今念載三度來遊蹤遐
逅真竒哉柄文仗鉞了無効但饒勝蹟塵襟開泥
鴻又指燕雲去安得斯山長可預身依北斗更巖
瞻惟留翠壁鑄題處

贈寫照王應暘兄弟

王生兄弟雙名峙海壖妙得丹青理和墨含毫趣
轉新古稱虎頭無乃似貌得衣冠到處真七賢九
老人皆是儻然槩礪自成天從茲日見聲騰起

五言律

桐江秋泛

朝發富春渚灘流帶棹飛山迴江勢盡風靜浪花
微葭露涼初入楓林景漸稀子陵磯石近延眺自
依依

北嶺懷省城諸友

雨霽初登嶺微茫一徑開日光生海嶼山色隱蓬萊
舊葉翻風去新泉落澗迴碧榕留社處雲斷首
重回

談空亭

駐杖翠微平林巒四面清山花遙辨色岩溜近聞
聲坐袖沾雲濕穿松帶霧輕空香紛落處始覺道
情真

石門讌集

身世元如寄尋玄夙有期寺餘千劫地人賦六朝
詩澗水鍾聲和松雲鶴夢宜躋攀殊未已暝色上

高枝

留宿山中

綴席衡門下清尊笑語同管調青嶂裏人醉白雲
中夢與星辰近臺臨水月空明朝結山侶懶復出
林叢

寄趙合沙表叔浦江司訓

憶別廣文艤端居感歲華霞明浦陽水春暗婺州
花憂國江湖切披文宋屈佳鄉書堪遠達漸合鳳
橋沙

又

停雲千里外玄思一尊前
羊石初平異麟蹊鄭綺
賢濕簾看杏雨攬勝入蘿煙
懸試瑤華句應多在
月泉

歲暮

朔氣捲霄殘幽棲易感嘆
功名三策賤身世一杯
寬碧簡寒燈淨朱顏
曉鏡完聖朝繁雨露何日起
泥蟠

過陳東山翁見一亭

見一有新亭山林隱市城
自從朝鷺隔常與海鷗
并籬菊黃金砌江蓴碧玉羹
卽茲堪自快寧數五

族鯖

贈李丹邱

曾識丹邱勝夫君此結緣地
存金竈藥人近洞天
仙藜熟原無火芝生別有出
秋風吹鶴馭相贈紫
伎菖

陪趙合沙訪石門僧得茶字

看雲來古洞愛竹到僧家
累劫身猶寄三天望轉
賒聽經餘水韻挂衲折松芽
坐石破孤悶東巖新
種茶

過徐公子東園遊塘長數十畝
從飛雲閣登

船

勝地紛奇賞公餘結駟過千花圍繡幕雜吹導前
珂傑閣憑虛度迤塘貯月多從茲泛槎去儻可接
銀河

贈台州侯醫入楚訪真

之子赤城彥直詮自得師言尋十洲侶因過九江
湄卜地宜栽杏行山獨採芝一官應媿汝無計起
凋疲

雨同劉仁山陳象溪登芙蓉閣聯句

共上芙蓉閣憑欄野望通雨來山氣合城遠市煙
籠幽鳥吟邊度佳僧樹杪逢遊留意無限莫惜酒
杯空

遊天界寺投半峯斌上人

經年淹畫省初識遠公名竹日搖壇席蘿雲覆石
屏詩情歸正始法性證無生惆悵山門去依然塵
慮營

夏日過林侍御涵澤亭

方井通玄派靈源自不窮捲簾虛壑具高枕遠江
空流沸難成月濤驚不爲風已能涼沁骨况復栢
臺中

聞弒上人遊楚歸

獨負遠遊意，瞠然物外身。空門元不住，塵劫豈辭貧。振錫匡山月，浮杯楚水春。祇今還舊社，倘許數相親。

過天界振宗堂先大夫嘗歷南禮曹余從宦
勿登此堂嘗記以果擲猴爲戲時弒上人方
住持山門爲題扁卽先人手筆也愴然有作
憶自垂髫日曾從法界遊據床看怖鴿探果擲獼
猴重來叅上乘回首已卅秋忽覩留先蹟潸然雙
涕流

題張洛源清懶窩

憐君幽築意，瀟散絕人羣。塵垢門難入，莓苔徑不
分。自成招隱賦，無復解嘲文。他日弓旌下，終當出
隴雲。

遊金山

突兀金山寺，紛塵四面收。祥光連北極，梵影散中
流。日月雙輪遶乾坤，一鏡浮扁舟。來復去，隨處觸
輕鷗。

題朱仰芙鴻臚詩冊余時督學楚行過鴻臚
北歸聯舟湖口酌別于石鍾山寺因出示鎮

翁老師弟至志喜詩奉和

亭亭憐謝玉倚纜共江濱絕磴鳴鍾石高風動白
雲千峯杯外入二水檻前分莫謂相逢遇離愁轉
欲焚

爲問雙征旂新從北極迴棠花依禁發鴈影別鷓
來春草歸池夢金莖憶露杯欣逢及門士暫得好
懷開

作客逢搖落天涯意自親五雲妾被遠孤棹季裘
新別驟情難限恩多報未伸壯懷勞北望劍氣滿
勾陳

便道還里

十年驅宦節萬里繫言歸玄髮難留鏡緇塵易染
衣松蘿閒自老村郭事多非舊侶時相過無妨敞
夜扉

飲陳月湖宅對雪卽席次楊九山林滄洲韻
同雲千里合朔氣九霄來黃竹歌塵動春梅競臘
開光分蟬窟影人是兔園才酒罷還乘興凌風上
玉臺

筵開不夜天桂醕坐相憐白鳳盤樓月寒鷗亂野
烟倚欄皆玉樹作賦摠瑤篇不待親姑射心神已

爽然

次韻答參藩黃毅所

寒色臨官道爭傳法從過紫微初建羽滄海已澄
波舊是乘驄使新聞騁駟歌清霄生顧盼光彩逼
星河

踈鄙年逾甚重逢叔度過春來朱轂兩朝長劍津
波才富君能見時恬巷有歌甲兵今盡洗寧用挽
天河

却憶追隨地春風幾度過雀航垂署柳烏府漾湖
波得意還相語忘言亦自歌種今同志者多已隔

關河

同孫台山侍御飲玉泉寺

禪房響幽竹泉玉細相和香剎逢初結熊軒喜並
過前尊開石壁高調散烟蘿欲去還延佇山山暮
靄多

回首烽烟地偏驚抵樹林正逢搖落候其柰眺遊
心古木留殘照寒鴉帶遠岑終當邀幽勝相卧白
雲深

荆守趙汝泉年丈賜三品服俸過而贈此

故人勞出牧千里擁朱輪作賦飛湘水聞歌動郢

塵訟堂雙鶴午烟郭萬家春漢室推章服循良見
幾人

又分韻得二首趙汝泉李龍岡同賦

舟出江陵道章華草復新柳條如待客沙鳥故依
人地主頻相問天涯意獨親風塵從去住惜別柰
茲春

孤棹來三峽重檐下二賢名高趙氏壁色借李膺
船燈火沙連市星河月接天臨流相對意脉脉詎
能宜

過漢西杜工部祠

大雅人千古荒祠自漢西朔風吹度急寒雨上坡
遲楚蜀端初圻乾坤望欲迷鄉心無處着况復有
猿啼

與史禮齋太守遊朝陽岩望九疑山用鄒穎
泉年丈韻

尋夕度水涯巖洞競幽奇禹蹟何年鑿虞山是處
疑湘蘭堪共佩春草託遙思未惜琴尊力猶從水
鏡移

城市一江分倏然絕世氛鳴空宜鳳吹躡巖有仙
羣坐袖沾雲氣磨崖擁溜文凭欄起漁唱松際澹

斜曛

寄督學林石洲

蒼梧瓊樹隔誰續舊時歡星斗垂天遠江濤起夜
寒斷雲鳴禹穴孤月下巖灘此地多乘興能忘託
羽翰

贈莊石坡賫捧北上

建章期重入萬里度星車親捧春宮表還循夜直
廬靡蕪南去路鴻鴈北來書賦就無人問因君達
子虛

劉仁山在告養痾南嶽

南嶽扶邱去誰人遠過從青山停紫蓋白鶴遲英
蓉習靜井中散辭榮且上封懸知豁心處泉樹坐
來重

華景洞用韻

洞窅多幽賞青尊坐晚風石牀通月白澗水浴沙
紅野色開岩桂秋容上露桐官衙看咫尺紛紜迥
難同

風洞用韻

宛然城市裏躡磴得清遊杯送千山雨臺臨萬井
秋禪雲凝不散鶴馭去難留斯會寧常續明珠爲

爾酬

贈李山人之陽朔

仙踪何地着靈洞有成紫氣千年在青山此日
盟晨炊芝白給晚步鶴相迎爲憶灘江上秋風桂
子生

衝雨過少林觀達磨面壁處

曙色啟禪林鍾聲繞翠岑空香紛雨落淨宇結雲
深壁寓西來影燈傳上乘心蒲團如可託吾意欲
抽簪

謁中嶽

靈阜從中起巡遊自漢年隆從環四嶽綿遠亘三
川顯氣陰陽會璇題日月懸小臣遙獻壽嵩祝徹
諸天

天仙宮白松

時傳軒轅三女葬其處

靈根傳帝子素質映珠林已訝霜爲幹還將骨作
琳夜栖迷鶴影風度起龍吟幽賞何人會姮娥夜
夜心

言歸

定省臨朝昏看雲憶倚門除書瓜及代掃逕菽猶
存菽水歡今遂漁樵事可論便令江海遠一飯詎

忘恩

送邑侯張襟江擢倅廣西太平

荒邑三年宰賢聲四處聞
花留江上雨烏度嶺頭
雲別駕今題坐邊城白息氛
却慚麾節地伙助待
慈君

走筆荅吳蓮陽別駕用來韻

陵瓜原似邵溪柳可名愚
共作林間客連開竹裏
厨久停燕路轍寧戀兔園株
本是明農者欣看雨
稻蘇

送閩幕胡子代還

入境來三善從民借一年
麥畦看雉狎竹署見魚
懸甘澍隨虔禱清風穆頌篇
瓜期逢代至無計駐
旋轡

贈劉凝和邑侯入 覲兼聞家郎之捷

仙令朝天去飛霜引佩笈
向春趨漢闕帶月聽吳
飲史冊循良紀才華鮑謝俱
弓裘今復紹摠是廟
廊需

越東多雋杰瀟灑更如君
得句輝朝日拈毫動綵
雲無妨邱壑賞偏遣簿書紛
劉寵前身是流芳自

昔聞

已製三春錦何慚百里符雲霄看起鳳天路正飛
鳧世業傳青紫民謠足袴襦桑陰留坐處童引雉
將雛

子陵釣臺

羊裘偶然着祠宇至今開白日雙臺古青霄一鶴
迴郡名猶借姓炎祚已無灰入夜藤蘿月清光到
酒杯

荅張羽王來韻

清秋聞雪唱仙闥與雲關因叩高人語來乘下浣
閒欣然傾盞入果爾拾珠還爲惜相逢偶躊躇木
月間

卽事

旱潦胡頻見憂懷忽並侵
蘊隆畿輔郡皆墊粵江
溇民力征求盡天心譴告深
拊時無上計真覺媿
吾簪

同李棠軒宗伯王鳳洲司馬飲桃花塢分得
桃字

出郭尋芳塢中春盡放桃仙源迷錦障遠水寄漁
舸飛雨紅霑袖蒸霞暖人醪花前不共醉徒使笑
霜毛

又登雨花臺同桃字

舊是談空地猶連法座高
天花疑點席壇草欲侵
袍遠水明江練斜照觀寺桃
傳觴殊未已劇語慰
同曹

和陳振狂過東園之作

新啓郭邊村周遭竹作垣
柳齊元亮宅瓜似邵平
園病起多借杖交疎少扣門
欣逢高士駕題贈耀
郊原

川韻贈振狂

野水隔芳村蘆中出短垣
蒙莊甘漆吏司馬息文
園長喜車留轍何妨席作門
祇愁旌檄下無計戀
邱原

喜雨

炎燄當中伏煩襟如未醒
纔欣來爽氣忽聽瀉簷
楹敢副爲霖望聊舒抱甕情
年豐堪報國長祝泰
階平

喜振狂至

不孤芳杜約命駕及春來
下榻憐今雨談詩倍舊
裁一樽消水滷八斗失羣才
蔣逕從開後還重薤
草萊

送振狂粵遊

言有東遊興羊城試寄蹤石門晴引酌珠寺隱聞
鍾荔正紅綃綴囊惟綠綺從羅浮携杖去相憶幾
層峰

振狂客余東園偶留季立小酌悵未能從詩
以憶之

茲園久澹寂何得駐車音穉穉環添綠高松互送
陰吟揮遠塵塵坐聽初夜砧欲會忘言意都將託
素琴

自煎青門墅雲霞日滿空城迴煙樹斷橋轉海潮
通載酒從浮蟻揮絃任送鴻賞心能不厭且莫問
西東

地主慚非稱徒勞企想生千山踈雨過孤樹片雲
橫飲落芙蓉色談多薜荔情喧塵應不到甕可息
將迎

曲逕接沙汀臨流意並醒視君書是素覺我眼逾
青萬竹明初日羣峰到此亭世情雖可念吾翮已
冥冥

輓林文舉

愁看寒日落誰挽逝波回樓賦成天上文星到夜

臺雲霄摧健翼華表記清哀縱拭延陵劍幽思不
可裁

七言律

遊玉泉寺

寺入松關路轉賒宜春風物媚交加青林曉映千
章樹紫殿晴飛五色霞池引流泉寒嫩玉臺依香
界細開花遠公夕度俱清逸一聽談空月每斜

石門寺

隱約烟霞見佛宮石門雙峙任過從巖頭琪樹輝
相映洞口瑤泉到自逢半月池涵蒼蘚色五臺石
護白雲蹤欲憑指點搜靈異應闢荆榛更幾重

過杜榮廢址

橋通流水出青林與客尋幽遠逕深古象有臺迷
草色砌花無主漫春陰鶴歸東海千年月人在斜
陽百代心舊事荒涼不可問惘凭湖石聽山禽

羅源道中

千樹縈廻古道長和風苒苒正青陽入眸嫩綠山
回燒拂向輕紅棗送香具食頓甘芹蕨味幽期多
在水雲鄉迢方勝事堪誰語獨把新詩付草堂

送袁邑侯擢上元尹

花滿連陽淑氣開
遙傳天語日邊來
何民借寇終無計
京尹徵黃獨有才
海月夜明蝴蝶渚
江雲春繞鳳凰臺
御屏姓字今題品
列宿元看接上台
棠樹陰陰夾岸垂
幾年相許重相違
金銀闕在青霄迥
冰玉壺高白日知
畿輔疲黎還薄賦
漢家良牧更先誰
秣陵消息三千里
定見民風勝昔時

送吳少尹還進賢

仙旆臨風啓曙烟
感時惜別意茫然
白雲已許隨雙鳥
玄鶴還招伴五絃
酒熟陶公應到宅
賦成潘令易歸田
拂衣莫留關山迥
早晚扁舟向曲川

送陳鷺江親家之任臨高

出宰臨高萬里秋
蒹葭白水生仙舟
行看瑞色浮三島
笑取聲名冠四州
官舍遠從黎嶺出
人家多傍碧泚流
由來薄海俱王土
况值慈君抱軫憂

又秋江別意贈別

代作

墨綬清材衆所宜
黃花卮酒度旌時
入江水色分閩粵
落卷風流陋晉隋
千崖碧草隨新鷁
十載青黎媿舊知
它日海山公事了
還誰携折刺桐枝

漢庭仙吏壯遊初
立馬含情萬里餘
嶺外氣炎梅發早
天南寒少鴈來疎
惟將文教調蠻俗
日對波

濤理簿書

聖朝次第推良牧
露冕南荒亦暫居

早朝

初進作

嚴踣金輿曙色開
鏘鏘玉佩接三台
威遲仙仗迎雲合
縹緲爐薰逗霧迴
彩鳳高盤明殿闕
祥鳥低遶傍蓬萊
百年何幸昇平會
獨向鸞鸞媿不才

贈唐別駕入賀還池郡

為座主小漁從叔

傳家簪紱冠中州
佐郡聲華壓上遊
金鏡獻回天路迴
鎬京燕罷帝恩優
九華月色遙相待
三殿龍光羨獨收
菊酒一杯桃李別
猶餘聲韻鳳池頭

贈節推徐鳳竹前南侍御

三年諫草重臺評
淡歲旌旄滯建城
蹙出賈生緣涕淚
終還蕭傅待鈞衡
埋輪意氣鍾山薄
投轄襟期劍水清
摩世鳳麟難便得
知君端不媿簪纓

宿清湖王宅出高譜觀之附題

仙翁愛客席頻開
庭鬱三槐手自栽
鶴去峯頭難再問
水流洞口記重來
擁塔蘭玉俱新長
載譜珠璣盡異裁
濁酒一杯今昔異
不堪驅節故徘徊

過巖陵

宦從已是廿餘秋
歷歷風煙感再遊
萬木蕭森啣落日
二江浩渺認行舟
召棠舊萼新陰長
峴石初

確古道留父老相過談往事不堪淒思滿滄洲

同劉仁山李斗岡吳芝山黃質山徐斗山會

半峯精舍卽席賦得浮字

乘休約伴上方遊臺殿涼生五月秋說法竹間逢
惠遠論詩澗下見應劉踈林鍾梵諸天近曲逕松
杉翠雷浮卽此便成招隱地微名不擲更何求

病中憶城南別業

城南樓榭枕江濤鄉思遙天望不禁墻荔薦丹當
座出海螿斫雪佐杯深藥畦雨足宜斑杖橋圃風
清入素琴今日園蕪三徑寂悔將名姓挂朝簪

贈別駕胡龍岡考最北上

幾年白下懋同棲把酒江干惜解携作令淮南棠
盡長爲郎署裏鳥開啼帆開宿霧三湘遠旌拂晴
雲五鳳齊莫訝此行多山露姓名先有御屏題

贈李斗岡年丈攻最北上兼侍太夫人便歸

君家未數薛河東霄漢承恩紫綬重獻賦金門同
躍馬含香粉署遂登龍身披綵服樓船別手捧泥
章禁陛逢自笑迂踈成底事亦隨鷓鷯佩聲中

同給由
赴京

自蘭陽河渡候舟未至命射沙上

霜天水落見沙溇問渡河津雙旆臨舟楫豈能忘
濟世桑蓬聊復試初心荒原野雀餘銅瓦斜日寒
枝白遠林小立轉成今古恨西風徙倚一長吟

考滿北上阻雨時張月山李抑菴同行

出門五日三風雨馬足深泥不可前無計揮戈能
却日誰人煉石可完天三年坐食慙樗櫟千里歸
心到隴田賴有同行佳品在一樽聊與慰塵緣

出京適同年吳六橋侍御蘇軾西錦衣奉

命巡視中路昭於雄縣遣使護行書此畚之
驅車千里去還來忽枉雙旌霽景開射虎將軍橫

公氣乘驄御史動風裁旌旗曉拂霜華重劍戟霄

迎斗象迴從此川梁平若砥更容何地有飛埃

劉仁山年丈使楚催督工料寄贈

使君西去楚雲秋白日鄉園建節遊水色山光俱
入賦民艱國計摠關憂風迴陽鴈依湘浦月滿寒
潮到石頭此地相思不相見令人惆悵寄書郵

送丁槐江擢守順慶暨還省視

官舍比隣梓曲知頻從書史見心期九年滯白人
皆惜四十拖黃宦豈遲問俗未臨巴子國望雲先
過越王祠漸聞西路今多事翻識文翁躅可師

登雨花臺用韻

絕頂携攀欲忘旋人天杳靄息諸緣鑣連南國誰
非客袖拂東風我亦仙泯泯江流斜抱郭依依春
樹暝含烟重來十載成踈髻見種林松蓋已圓

登牛首和康礪峯韻

一望山如湧地蓮却從仙梵悟塵緣逕通古洞堪
銷日僧指長松不記年樹雜烟霞浮萬壑風傳鍾
磬落諸天三生何事空纓冕洗鉢焚香媿爾禪

寄贈傅丁戊

十載相思湖海秋風塵無地可追遊知乘鶴背歸
丹穴定叱羊羣滿舊邱雲外吹笙王子過山中煮
石稚川留刀圭欲乞身難遂空惜年光似水流
吳芝山人長吟閣用韻

縱居朝市亦身閒海鶴高姿不可攀爲客漸應忘
甲子逢人猶自說吳山半生愁破一杯綠千首詩
成兩髯斑木狀犀容從駐馬數聞玄論日西還

讀罷南華白晝閒稜層孤閣信躋攀涼陰半畝添
來竹蒼翠滿床分到山紫朶已知儲內火青銅無
問變顧班因君轉覺箕由僻曾似夔龍日往還人

日與名
公偕和

送邱止山明府之柳城

十年虎觀惟陶士此日龍城始牧民行向桂山雲
似墨到來花縣氣如醇農懼稔歲先雞卜童狎芳
坳見雉馴二傳風流君不忝邱家疑卽是前身

題費小石輓冊

自承黃閣作箕裘三十才名動帝州入讀秘書逢
太乙出居華署俯時流豈堪投鵬辭金馬爲有雕
龍壯玉樓南國太微賢胤在清光應得到泉邱

題黃毅所侍御具慶冊二首

秣陵西望眇祥煙聞說仙翁字倥傯豸袖早勝萊
袖舞法星長傍壽星縣玳筵晴啟匡山色玉液春
浮掌露鮮歲歲花源申樂事數看恩寵下堯天
雲林佳氣鬱青葱雙壽筵開勝會同上築遠齊高
士宅逃名重見鹿門翁鯉庭趨對聞詩禮豸史聲
華著錦豐莫道丘園堪澹寂新看白首賜乘驄

送惠州黃別駕

朔風吹雪送行車把酒分携萬里餘嶺足梅花堪
寄鴈湖多藤菜可懸魚卽看布令調炎海豈負談
經在石渠聞說羅山新政美因君珍重涓陽書

東園燈宴次雙羅長卿韻

人間何處有仙州一入名園卽勝遊地主不殊秦
貴介座賓寧數晉風流花邊玉勒嘶相向水面文
鷺舞未休莫道夜遊還秉燭滿前燈火爛山邱
別有樓臺映綠洲不扃朱戶許頻遊筵開璧月衣
疑濕燈迫銀河彩欲流臨水更思纓可濯當花每
判醉方休笙歌沸處珍禽起飛過蓬萊第一邱
和蘇韻對雪二首奉荅武岡殿下
屋角寒枝繞亂鴉玉龍百萬轉天車陽春郢客未
成調瑞木月娥先散花得似映讀者誰子強如負
薪能幾家欲呵凍筆排幽思無那枯腸愧八叉

凍雨凝靈積縞織堪憑酒力敵寒嚴卞和獻罷山
皆玉猗氏功成地盡鹽挾縹緲知勞遠塞擁袍猶
自念窮簷免固共說多豪俊此日何人賦最尖

贈戚南塘

將軍威武復攻文萬里橫戈氣不羣白起風雲開
八陣親分甘苦並三軍每探豺虎山中穴盡掃鯨
鯢海上氛銅柱天南標第一伏波功後未曾聞

行部蛾眉阻雨夜宿德山寺

衝雨行山逕轉微夜深猶自扣禪扉竹邊淨几鳥
皮在蓮外寒塘白鳥飛玄想欲隨杯錫度素心原

與簿書違冷冷一枕秋江夢又警晨鍾促駟駢
谷陳槎江夜話用夾韻

五星高聚切三台重喜清霄訪舊來司馬文園淹
伏枕淵明栗里負銜杯雲間共識三芝秀鄴下虛
傳八斗才匣裏雙龍君自護莫令風雨暗相催

再遊玉泉寺用韻

巾舄相隨躡紫烟閒從鳥徑訪金仙宦情迢遞浮
雲外梵影依微落照前古洞蒼鱗涵寶月香厨青
玉控靈泉坐闌得悟如蓮偈萬籟空無一事懸

陳友丁子過訪投詩索和次韻答之

言遊廬嶽度潯陽衣帶煙霞氣自芳染翰偶爲梁
苑客校書猶滯石渠郎入門凡鳥從題字出水芙
蕖儼並行一聽霏談珠錯落肯容魚目混行囊

贈楊見魯叅戎瓊雷

寵書新拜上將軍建纛鳴鐃徬海雲到處出師常
盡敵平時閉戶獨披文腰橫紫艾千麾肅手劈金
符八陣分想到溟南傳令罷妖星迅掃淨無氛

贈內齋余年丈齋捧便省

翩翩旌旆引涼颼雙捧金函上玉墀槎泛湘原星
共遠路經秋浦鷁還移身披彩服趨庭早面對邊

籌出陞遲鳳沼知承新雨露願分清潤到南枝

王叅戎維舟象鼻山訪而賦此

桂林象郡傳名久此地猶存象鼻山臨水水輪浮
欲動依巖瑤魄迥相關似從梧野歸耕後尚識王
門導駕還不爲貳師停畫鷁塵顏那得慰躋攀

贈李雲臺山人

白鹿山人野性便未容蘿服混塵緣閒閒竹徑鋤
青玉長對芸窓理素絃書就萬言慚自獻註成六
籍待人傳偶從身滯征西府漸惹聲名動八埏

荅謝郭東阜次韻

早投簪紱謝王朝黃鶴秋風信九霄海上停雲思
杖屨燈前聽雨共杯杓金仙棗熟堪留馭玉壘棠
高憶去軺十載交期一霄話不勝清韻起英韶

登爽臺爲山南邦君作

層臺削玉倚園林曲榭迴塘愜賞心座有郢歌飛
白雪地非燕築賤黃金雲霞忽散千峯色花樹交
橫十里陰勝閣徐亭分勝蹟自今誰不費招尋

同年劉仁山兵憲自南詔寄訊次韻奉荅

嶺雲漠漠草萋萋空署懷人但鳥啼天外五羊憐
舊雨江干雙鯉寄新題斗牛氣轉龍猶合湖海秋

生鴈未齊岐路風塵十年事層樓迢遞夢常迷

凌斗城宅賞海棠次川樓韻

綽約名株海上移喜從仙署對仙姿臨風試豔輕
含馥宿雨回醒半未支清飭紫薇堪作伴影搖銀
燭故催詩芳菲梁苑春無數未勝樽前綴錦枝

趙吉所都闌燕集魯陽王東園賞牡丹用韻

二首

路繞夷門紫逕開錦雲堆裏簇車來嬌枝欲學平
陽舞艷盡長依帝子臺出幔施嬌俱國色授毫徐
應揔仙才惜歡不待揮戈日隨處銀蟾伴醉回

千花紛待綺筵開別苑芳雨後來共護靈根圍
繡幕競將檀暈上仙臺風前似破華清夢亭北空
憐李白才摘取一枝香露濕人於馬首帶春回

謁武穆祠次吳川樓寅丈二律

殘樹蕭森岳廟東一杯懷古噉西風凱歌竟負黃
龍飲封誓虛傳白馬功無復翠華回漢駕空餘碧
草觀行宮英雄恢復千年恨長逐河流迥未終

一自鳴鑿下浙東中原日日起悲風三千直擬驅

長騎百六誰能挽上功寂寞諸陵無野戍崢嶸孤

鎮有王宮紹興事事堪沾臆每讀遺編未忍終

子陵釣臺

來尋高躅正朝暎一酌清醑出澗繁太史從占星
象異故人那識帝垣尊雙臺直與重霄並九鼎誰
爲兩漢存此地塵紛原不到行舟虛白費攀援

同陸敬齋侍御觀龍隱洞

神龍飛蛻是何年天矯猶懸石洞天平野風雲騰
劍去澄潭星月抱珠眠留題乍動蒼鱗色坐嘯全
銷紫岫烟一出城圍塵自遠猶耽選勝不知旋

送岳伯高太湖年丈還蜀

廿年霄漢共騰翔雲隱岷峨別意長直回曉堂煠
鶴髮寧知世路有羊腸菊松不改柴桑舊鱸鰕能
如丙穴良 聖主賜環非遠事垂綸未便老江鄉

送李山人

雲母山高拂翠華仙人曾此醉流霞丹房舊注三
元秘玉井新開十丈花人過羅浮秋樹碧地臨衡
嶽晚雲斜看君峰頂蟠龍虎何日重乘上漢槎

和蓮陽宗丈飲青郊別墅

吾宗季重柱旌干相對林園意自寬作宦功名難
勒鼎羨君詞賦已登壇觴飛四座霞長滿玉映孤
亭夏亦寒甘載驅車塵擾擾何當此日慰交歡

閒亭勝友日躋攀林麓依然城市間吟社可能追
洛社爐山應不減香山有時漁唱中流起向晚鷗
羣傍渚還江上白雲吾足老夢飛那復到鷓班

贈黃孔昭山人

別號吾野

瑤篇曾寄嶺雲西歲晚過從慰獨栖江上片鴻頻
在望梅邊杯酒日堪携兩都賦出南金重四字名
高北斗齊爲說向平今事畢五遊天地一青藜

同呼總戎重過七星巖

靈洞穿尋勢轉奇七巖儼並七星垂仙源易向塵
中得幻景遙從天上移琪樹石牀端自好鸞鶴鶴
馭杳難期重過賓從風光似一笑峻嶒兩髻絲

邀汪侍御飲浮邱亭

西出禪關色界幽法星高聚動林樾雲來虛閣樵
山近泉浴還丹葛井留翠長捧龍分梵雨影橫彩
竦落靈湫浮邱公去浮邱在贏得朱明作勝遊

遊端州星巖

孤亭斜與翠微連曉日澄鮮散紫烟岩拱七星高
出地湖成千頃碧涵天人穿蘿逕便初服風送花
香撲午筵窈窕幽尋殊未極幾行歸鳥夕陽邊

送中表林懷賓還閩

閩山東接白雲來千里追驩十日回燒燭且無驚
漏促啣杯寧復惜顏頰擎雷舊是傳經地聽雨今
爲仗鉞臺銅柱自雄甌自適浮榮從古任相推

期友還舊林

一出崇關越嶺分崧臺蓮社漫相聞每緣鄉夢生
春草無那車塵隔聖雲竹帛縱書成底事鷲鷗有
意且爲羣兒童重掃求羊逕五柳低垂併待君

寄廣信貳守族侄子貴

梅嶺折梅使幾逢信州緘信來千峯朱幡佐政爾
能美紫闕報書吾已慵

將攷二品滿

但願卧雲舞白鶴

何時乘月過黃龍瀟瀟東門外花樹滿野服角巾
楷瘦節

壽范天然九十

任對鍾山紫氣偏姿看龍馬共翩然浙東經術傳
三百河上微言悟五千裾曳朱門聊玩世籌添碧
海自忘年吹笙跨鶴它時事且作塵寰陸地仙

爲趙潑陽少宰題靈洞山房

一從鳴玉出鸞班是處松蘿掩舊關雲護洞門春
縹緲風吹石澗水潺湲地連梵刹烟霞古峯對危
樓日月閒正喜夔龍逢世泰未應容易夢青山

永思圖爲孫侍御題

深愴音容去日分
荆山寂歷夜猿聞
身承兩露沾黃壤
手把丹青當白雲
喜見鸞章酬豸史
無因龍劍覓徐君
賦成風木歌聲咽
不是沅湘楚些文

遊燕磯

帝城邈倚大江隈
吳楚風烟一望開
石骨雲生蒼蘚濕
波心霧捲白龍迴
尊前回結千年賞
吟底翻憐六代才
浮世合離原不定
塵踪知得幾回來

生日自述

冉冉流光度七旬
初筵猶殢病中身
遭逢幸挂

三朝籍事業徒存
兩鬢銀問壑尋邱
無意緒澆花洗竹
亦經綸自今約向
枌榆伴長作堯天
擊壤人乞身歸卧
忽踰秋惟覺恩崇
分未酬習靜只應
依白社探玄何處
覓丹邱魚鱗淺渚
偏驚餌鶴舞空階
解送愁斲罷藥畦
聊引酌巖廊多少
代分憂

感事

十萬旌旗細柳勻
幾回尊俎運籌頻
山氛電掃千巢淨
海鱷驅片檄馴
但爲蒼靈除狡獪
何知舟艫有麒麟
邇傳當日儲胥色
猶得吾皇獎借新

送陳甥邦敬之瀘溪掌教兼懷潛谷鄧文

剡溪移鐸向瀟溪一片春雲帶雨西泉接二姑晴
漾玉堂瞻五老夜燃藜滋蘭九畹清芬合調驥分
羣汗色齊最善康成居止近可能折簡共招携

和荅葉臺山太史

南畝時行一課農北牕高卧漫拋筇楮書鄭重來
鳧使灑墨淋漓識翰宗自喜白頭歸塞馬共期黃
閣屬人龍藥王奉外無它事慵性于今覺更慵

又賞牡丹懷舊仍雲韻

園林春擁百花紛爲信花王只此君容似英皇湘
浦見名從姚魏洛中聞月娥影妬常籠霧風鐸聲

閒自結雲因憶舊京同賞伴倚欄今日惜離羣

送葉臺山太史還朝

飛鷁中流細浪分楊於負弩摠如雲薊門雪色衝
寒入禁苑鶯聲到曉聞綵筆石渠遲麗藻白藜大
祿授玄文欲知披錦旋轅日槐陰盈庭可逐君

暮春山後邀劉廣文陳徵君酌于東書樓是
日余以病未陪

花樹春芳雨乍晴東樓載酒意縱橫青山白鳥樽
前出碧草澄江檻外明一曲浩歌迴聞寂千秋雄
藻共鏗鑄應劉鄴下元同調獨恨文園臥馬卿

書樓自嘲

數楹高結傍城東，講德名賢不易逢。
架軸于文常飽蠹，軒車三錫獨懸熊。
牕臨北斗浮雲散，簾捲東臯紫氣通。
炳燭亦知能自適，年來無那病交攻。

賞牡丹小集用韵是日再得趣任之 旨

弱態依欄似洛神，闌粧雨後賞逾新。
霞杯影泛饒供咲，霧幕芳籠穩駐春。
色借明妃傾屬國，香隨

天語下嚴宸。莫嫌幽圃邀歡少，貴客嘉朋共此辰。

立夏口憶諸君舫遊之樂

獨坐殘春覺少娛，最憐扁舫共招呼。
汀蘭岸芷從

攀佩劒石鍾潭，可命酤香遶層臺。
參大士詩催暮雨駭天吳，川烟景頌畱勝堪與王維輞並圖。

余表兄林懷寶學諭七十六歲復得一子詩以賀之

乾鵲成橋才十日，喜來雲路報垂弧。
西庚正映青蓮色，東海今開紫綬符。
出水神駒渾是汗，迎秋老蚌又輝珠。
已知不作金籙計，只待潛夫長著書。

江南菊信稍遲，今重九喜庭菊數本盛開，邀賞賦之用花字二首

今年菊喜開如節，却勝常年節未花。
濃蕊踈枝方

飽日深黃淺紫漸舒霞籬邊雅况誰陶令座上雄
談有孟嘉翻憎投簪京國後幾回空使嶺暉斜

重陽佳日閑相約爲寧莫觴強對花人似龍山筵
裏集芬從栗里選中賒詩成欲寄隨陽鴈酒到無
煩畫足蛇采采恍同金作埒石家別谷未須誇

乙未初度答謝劉粵愚謝翠屏諸君寄奉

累疏從天乞朽殘一邱逾識 主恩寬初衣最習

烏皮几別墅尤便紫纒冠酬客豈能情爛熳步行
不厭足蹠跣盛年事業須公等還向榆桑倚杖看
宗祠新成堦忽產一瓜結十二實剖之色赤

而甘美異常人口此瑞徵也余廼爲七言律

一首志喜因屬能詩者並詠焉時乙未中元
日

嗉嗉嘉瓜應禴祠堦堦夢引絳陰滋人遺靈種祥
方遠地近青門實總奇切向霜盤齊絳玉薦俱冰
椀等儂芝但令執殖東陵似不必通侯也自怡

前從子澹丞自宦所遺我雙鶴蓄之有年不
復鍛翎亦不思颺去真吾庭中物也

仲容從寄九臯禽立並高風抱遠心蓬海蒼茫迷
去望芝田杳靄息追尋畱堦對舞逢人解到曉雙

鳴警夢寐深思浴九丹如可就還當使問闐風岑君
稱鶴爲九轉還丹之使

余著白鷗爲野人籠致久而益馴淨潔可愛
對之欣然成詠

雙壁曾聞賈白鷗珍禽幽思本相關身凝雪片同
哀髻頰帶丹砂恍醉顏棲自高枝涵桂影步從芳
徑破苔斑吾今懶復尋鷗伴賴汝晨昏杖屨間

又爾錫以舅青田年文書來頗感夷警似導
余再出乃次原韻奉答未兼屬青丈

憶日投簪幾閱秋病中風景夢中遊懶從白社聽
三乘學傍青門灌一邱北極浮雲凝未散東溟驚
浪退還畱欲壽前著頌名碩爾舅應期濟巨流

辱省城諸公祖壽餽次施二華來韵奉答

昨夜明河布瑞州曉從秋霖賦初筵山中久服便
蘿薛天上猶芳問歲年鸞彩有書傳紫府鶴丹何
處訪真僊今成林叟依農事惟願長濡雨露偏

壽月沙陳翁七袞有六爲振狂文

生年回是四朝身未趨蓬山作會人官爲折腰先
棄秩顏緣煉液得完神日鋤方圃移名卉親製孤
桐識爨薪只此已堪觴晚歲况兼三鳳正振振

答季立賞菊兼及時事

庭除又見菊叢秋對此間行得自由食取落英堪
却老飲尋佳伴併消憂長安誰道棋枰似洛社終
輸雅韻酬一自招尋談笑後不須塵跡更回頭

季立過東園賞菊投以新詩謬爲稱許依韻
答謝

蕭森秋氣滿朝昏獨艷寒花縱品論節鉞久將雙
鬢改形骸惟抱寸心存更無車馬驚羅雀只許漁
樵叩草門况有良遊過二仲眼前何物勝開尊

贈李邵侯賓卿

清朝七載侍 承明覽爲蒼黎借寇行山指登高
臨山 堪作賦溪連冲鶴易通瀟巡春柳甸隨駟鹿
問俗茨簷郢駕驛乘暇莫辭麟紱讖况聞先紀
御屏名

其傳德政是翁歸計國憂民總不違搜蠹豈能妨
諷詠懸魚無意及輕肥簾通鳥語塵難入庭設鞭
蒲訟亦稀公稅相將輸輓罷齊聲高祝極星輝

鳴珂遙下白雲邊朱轂金章照曙烟梅蕊近簷爭
吐暖棠花盈野倍生妍文鸞玄鶴開尊集甘露
禾入座傳盡說使君多異政潁川今認是樵川

上罷初看縮玉符英英聲問徹宸都黃來盡曉
勤耕畜范至俱歡足袴襦但使化民更佩犢未須
察吏及途烏于今政底謳吟日逢獻佳辰酒一盃
合杏羣峯擁郡堂榮深一水下橫塘春回綠野桑
麻長秋霽黃雲黍稻香吏散公庭無識面農來城
郭只輪糧如此便堪稱卓績當筵筮壽百年觴
使節翩翩集瑤鴉歡傳甘澍逐熊車西曹吏是神
僊籍南國人爭父母誇氛爭山山無枳棘風清處
處有棠花逢辰定約瀛洲伴相對青尊泛紫霞

黃愁春繪太姥圖見遺覽而謝之詩

宦塵馬首易西東太姥空懸咫尺中一展丹青披
宿霧可煩巾舄駕長風千盤直踏天關近雙竅深
窮海氣通忽覺操絃羣響應少文先與此心同

贈車春涵公祖

握蘭春署盡歸賢剖竹專城又獨便推轂鄭莊頻
第一賜金黃霸可誰前剗繁轉覺吳鉤迅表瑞常
看越后妍喜見政成庭似水只饒歌頌向人傳

讀陳季立薊門兵事有贈

急思報主換征袍神劍雙飛意轉豪親鼓貌貅

清大漠兼團鵝鶴淨洪濤旌旗影動軍聲壯刀戟

光橫殺氣高百尺樓成難可及元龍本自共吾曹
季立歸隱築室西郊

浮雲世事總紛紛聊向城西作隱君雨足春犁常
自理月窺巖牖每平分投林袖剩三邊畧閉戶襟
披百氏文多爾顏齡看獨健卽求穩臥未堪云

林純卿卜築孤山題贈

君家和靖迥相依築室孤山傍翠微鶴放中霄來
客少海橫淺水賞心稀鏡懸亭榭從高下圖寫烟
嵐認是非獨有西湖湖上月照人千古共清輝

遊武夷

松檜陰森倚碧空烟雲蔥鬱護玄宮漢皇碣表瑤
壇祀宋代書傳玉簡崇何歲幔亭開夜宴至今控
鶴說仙翁登臨指點搜靈蹟多在層巖峭壁中

送董崇相北上春官

二月晴江送碧濤久知文賦重詞曹風高雲路騫
雄翮日閃天池載彩毫花滿湖堤迎曉棹月明燕
市醉春醪故人得意青霄去可泛鴻書問野蒿

邀天長陳春池同錢慎吾父母酌于藏書小
樓承遺詩用韻爲答

逕苔不掃印晴霞青桂叢中閱歲華有客堪齊高

士傳聚書難埒，勤侯家風前郢。曲將鶯度樓外山，
光爲燕加却憶四郊春。欲滿河陽樹裏半棠花。

因舉春觴向晚霞，得從賓坐見瑤華。駕飛千里無
中駟，詩在三唐有大家。酒對南山青自入，月臨東
圃色偏加。若非暗令畱雙轄，恐笑閒庭兩砌花。

五言排律

詠雪二十四韻東孫侍御及縣學諸君子

巖陰初布夕，瑞雪喜浮空。皓色凌紈素，寒威襲綺綸。
權聯輝非借，月斜舞自因。風乍見離瑤，闕思看入
鬢。蓬投鑪成幻術，烹水助談宗。應訝堆鹽虎，還誰

鳥白虹沙滌，迷去鴈凍合。偃枯桐灑路，吠村犬仍
階。猜夏蟲近花，殊皎皎遠嶼。更濛濛帶雨，仍仍結
臨流。集復融，靚粧隨隱現。飄泊任西東，影亂蛾池
水。光搖銀樹叢，龍從河伯化。鶴共緜山逢，正麥真
如上。竈簷亦自公，深窿迴地脉。點綴見天上，已愜
農人望。懸知燮理功，潔清耿孤抱。的皪眩雙瞳，屬
倚疑彤陛。謳吟似郢中，謝庭才俱逸。袁臥逕難通，
剡棹何人至。程門幾輩同，映書多上士。披覽有仙
翁，彩並郎官宿。珂明御史驄，畱題依壩上。遙思託
耶筒。時將赴蜀對此堪持贈，聊將代玉珣。

寄及門新進士

嶺服傳嘉捷，心期發喜容。
飛騰看萬里，揀討出三冬。
辭賦甲揚馬，功名疑契龍。
宮袍唐典重，陛戟漢儀雍。
姓字金閨入，趨蹌畫省恭。
康達聯駿驥，清廟總璜琮。
書案分更漏，朝門聽鼓鐘。
勿將溫飽意，永答聖恩隆。

七言排律

贈參知前文宗徐匡岳

遐邇正學欲瀛漫，喜覩儒宗起大觀。
直接尼淵傳魯泗，早看屈宋步騷壇。
環門桃李春爭長，入室芝蘭瑞並團。
五緯珠聯奎聚采，三山柱立海迴瀾。
名高舊識南洲孺，耆碩長依北斗韓。
太姥壺公朋作壽，自懷真訣注容丹。

五言絕句

秋圃吟

有引

菊有修潔之操，故君子重之。吾連菊元無多，自外父十竹公得于雲間，始增至十餘種。卽余早歲所戲詠者是也。近余甥邦敬又從嵯庠得十八種，視前逾倍。且又善于栽培，獨至茂盛。茲秋移余供玩，殊爲恬寂中之一快。其

稱名或比金玉或比姝媛亦姑以形容珍愛
之意而非本色其能晚榮獨立不伍羣卉則
其真性存也余閑中仍各謾爲詠之以續舊
作非關詩品特以代奕賢于無所用心云耳
御袍黃

金萼觸寒開霜娥自紉裁暗香浮灑袖恍怫覲天
來

萬卷紅

萬里風雲思十年燈火心衆芳搖落後聊汝寄清
唵

紫袍金帶

金紫本相須寒最品白姝豈必誇秦世長松爵大
夫

大金黃

采采出雕欄黃金映曉寒幾回風雨夕疑作櫟陽
看

鶴翎紅

昨夜涼颼動僊人鶴馭經不然葢薄裡何以聚紅
翎

鵝毛白

弱翰長冰膚芳姿絕可圖羽客如相識黃庭肯換無

羅山紫

看嘉品發羅山秋葦總耐寒洛中傳魏紫此日孰爲

沉香

檀沉水名來遠餘香在菊團祇林如有植端可並旃

金鈎絲

露歛金縷重兩裊碧枝纖秋色看無限西風一卷

蘇

醉楊妃

粧奉帶入明光酣歌幾夕陽空餘秋圃色猶帶昔年

紫迷

顏團露心如結舒霞色自殷秋風蕭索裏容易奪朱

雪迷

拋瑩淨搖銀海輕盈照素袍潔資原自定誰肯向人

蜜雀舌

織萼留蜂宿芳英啄雨開更看寒露濕疑是拾珠來

白雀舌

素雨向風披蝶過人不知啼春如未徹更此弄秋曦

狀元紅

曾占杏園春秋藪色更新掄英原第一羣品未堪

倫

四面觀音 一名四百錦

成 觀音空色相猶許借花名不奈凡人眼還疑錦簇

白玉英

城 白玉元無價秋英色比瑩若教逢賞識直可抵連

黃玉英

黃玉如蒸粟誰將並菊英由來中色貴莫作麗華

評

火煉金

四圍饒餘色中獨抱貞姿化工元自妙初不假煉

鍾

桃花紫

桃紫當春艷如何寄菊枝欲添陶圃色聊復向東

籬

桃花白

白桃呈素膚着菊晚逾香蕊綻渾疑雪枝存總傲

霜

玉露白

露下霏如玉沾枝皓作團金蕊爭得似秀色自堪

食

剪絨白

霜女弄冰紈依依裊盡欄金風輕試剪皎潔綴絲

團

月下白

娥影迴花色清光覺倍妍晚妝非獨異娟貞本天

然

雀金黃

赤光聞浣石雀鬪變黃金何期金作瓣兼與雀畱

馨

金鳳毛

朝陽金鳳集毛彩異凡禽未向池邊見輝光下菊陰

醉西施

西子畱醜色猶存菊上枝且供庭榭賞莫但逐鴟

夷

沉香毬

沉香攢作朶開獨占羣芳圓滿毬能似誰將赴蹴場

金盞銀臺

金盞注銀臺寒花一樣栽未堪登宴席只自傍筵

開

金菊鬪芙蓉

蓉菊元殊品秋高並逞芳欲投彭令好幻作一花妝

玉萬鈴

神宮傳漢武玉樹細聞鈴今向花團聚無聲也自馨

金萬鈴

花用金鈴護飛禽不敢停何如花朶裏自蓄萬金

鈴

湖口送朱鴻臚淳

惜別依湖口相將自石頭回看纖月夜猶自映清流

與永州守史節之遊朝陽岩

巖洞當湘勝招携有美人流泉與惠政迸作楚江春

江棹從來往幽巖自古今雷題多白雪半爲綠苔侵

過邯鄲

未息塵中鞅猶爲夢裏身炊梁還似昔授枕更何人

詠牡丹燈屏

誰撥三春錦條來五夜中乍神初不異信可奪天功

國品由來冠雲奕巧樣裁花時遲未發先飭雀屏

開

六言

訊友

茹草亭前細雨海棠花外輕風兀坐但聞啼鳥寄書不見征鴻

東園四首

牕對礪山成趣几橫圖史銷憂時任燕鴻來去景
從紅綠稀稠

縱步藥畦蓮畔入耳竹籟松濤泉汲旋烹新茗花
開正熟香膠

池涵天光上下簾捲樹色參差客有求羊容與門
無車馬追隨

亭寬草蘿蒼翠市遠盡絕器譁倦時半枕蝴蝶興
到數幅龍蛇

七言絕句

送陳路為江親家出戶臨高

初縮銅章出鳳城長堤疎柳繫離情天南傳與黎
岐信到得神君莫弄兵

秋風嫋嫋度行旌粵水關山萬里程明歲此時黃
菊信臨高知勅故鄉情

並定道中

寒威乍起怯征衣漠漠同雲旅鴈稀日暮滄茫風
正急雪花楊葉一齊飛

武岡德輝館賞牡丹

梁園歡賞寄餘春撩亂名花故向人十二雕欄凭

月色明妃西子定誰真

縛約風前試艷粧清平一曲度流芳年來久謝看
花眼此口猶追綉轂場

繁絃急管動賓筵傷石移花坐七賢自是東平多
樂事非關臺榭得春偏

贈張都闖入賀 張名成已姑蘇人

知君才畧本鷹揚列帳分符靜楚疆玉劍自隨金
旆卷遙持章表賀 君王

奕奕龍樓玉漏清翩翩虎將祝呼聲班中拜舞番
夷長驚見威稜問姓名

百祿官添萬葉芝旌旗鐘鼓六龍隨傳宣綵仗頽
周燕虎拜同賡湛露詩

北闕晴空燕羽開斗魁色象近三台聖朝正切求
頗教親賜黃金鵲印回

沐藩書懷

沙鴈連翩度北羣尺書遙寄宦情紛川原渺渺平
無際何處登高尚上白雲

薔薇花發燕雙飛簾捲斜曛案牘稀推却素琴成
小憇東風吹夢到漁磯

東墅新開遠市屢棠花綠酒事應偏親朋相聚還

相憶汴邸春風又一年

春曉春禽到處鳴
梁園誰似故園情
碧漪池上關
于外種得名花幾
樹成

送世本中表還閩

楚江漠漠征鴻遠
吳樹青青去馬遲
遊子可堪重
送別臨岐空益髮
中絲

命棹訪幼溪司馬接筇峰

挂冠神武易綸巾
到處仙源恣采真
君岸已登吾
在後應從峰頂看
迷津

爲若龍孝廉詠號一絕

三年晦養傷江湖
一日高騰直九霄
看自育鱗人
未異風雲始信阿
龍超

和朱晦翁權歌十絕

六六峰迴擁萬靈
三三溪遶徹流清
此山此水原
難寫應發歌聲和
權聲

一曲溪頭引小船
幔亭飛影下寒川
初平未入閩
關路誰叱羣羊臥
石烟

二曲齊看玉女峰
鏡懸清碧照朱容
有時變幻成
三髻總攬烟雲翠
黛重

三曲懸崖尚架船
疑從漢使返槎年
濟川已罷捐

無用問渡人稀祗自憐

四曲溪邊峙二巖仙人題詠鬢毛毯偶來把釣拋
綸下惹得金鷄起碧潭

五曲雲烟此獨深松陰連洞鳥啼林中涵道脉窮
千古誰辨微危止一心

六曲天遊亘水灣塵踪未易扣玄關空餘仙掌難
承露清隱居前草色閒

七曲斜曛射石灘水簾飛洞玉雲看居外猿啼三
峽曉壺天梅插一枝寒

八曲鼓鐘相應開遊探二教更沿洄源流一線憑

何極始識波瀾有自來

九曲將館思惘然船如訪戴剡中川桃源津迥疑
無路星漢橋分別有天

倚櫂歌殘月正明一歌一曲意從賡爲傳汨汨緇
塵者且聽扁舟舷上聲

蜀茶

朶朶紅妝刺眼明靈根來自蜀江城時經細雨曛
脂濕還得人傳濯錦名

木筆

春風舒蕊盡朝天似插金莖浥露鮮欲漫書空渾

不語一齊散作樹頭蓮

繡毬

聯蒂分枝雪簇圍
暗香輕欲上人衣
東皇縱報收春事
猶作梅花逐片飛

陳甥邦敬邀遊雲居石塔觀日出

逕轉山迴見梵廬
相將不覺近天居
夜殘忽動扶桑影
正是曛曠日上初

濟美堂集卷之一終